



BOSNIA AND HERZEGOVINA
MINISTRY OF FINANCE
AND TREASURY

Broj: 05-02-1-100-1 /14
Sarajevo, 03.01.2014. godine

SVIM BUDŽETSKIM KORISNICIMA

PREDMET: Obavještenje - Instrukcija

Na osnovu člana 12. Zakona o finansiranju institucija Bosne i Hercegovine („Službeni glasnik BiH“, broj 61/04, 49/09, 42/12, 87/12 i 32/13), obavještavamo vas da je usvojen Zakon o budžetu institucija BiH i međunarodnih obveza BiH za 2014. godinu dana 30.12.2013. godine i dostavljamo vam tabele o odobrenim budžetskim sredstvima za 2014. godinu.

Na osnovu odobrene alokacije budžetskih sredstava iskazane u Budžetu po sintetičkim ekonomskim kategorijama, a u cilju održavanja budžetske ravnoteže svi budžetski korisnici obavezni su, u skladu sa usvojenim Zakonom o budžetu institucija BiH i međunarodnih obveza BiH za 2014. godinu, Ministarstvu finansija i trezora BiH dostaviti usaglašene tabele godišnjeg plana dinamike rashoda (operativni plan), iskazan po mjesecima, **najkasnije do 15.01.2014. godine.**

Budžetski korisnici su obavezni pridržavati se odredaba „Instrukcije o načinu izrade operativnog plana za izvršavanje Budžeta institucija BiH za 2014. godinu i o načinu praćenja programa posebnih namjena“ prilikom izrade operativnog plana rashoda i izdataka za 2014. godinu, koju vam dostavljamo u prilogu zajedno sa tabelama.

Prilikom izrade operativnih planova za naredni period (januar-decembar), korisnici su obavezni alokaciju budžetskih sredstava, popuniti na način da u Tabeli 1. prikažu planirana i odobrena sredstva i na analitičkim i na sintetičkim kategorijama, dok ostale tabele treba iskazati samo na sintetičkim kategorijama. Tabele operativnog plana moraju biti potpisane i ovjerene od strane odgovornih lica budžetskog korisnika.

Ministarstvo finansija i trezora skreće pažnju svim budžetskim korisnicima da su rashodi u usvojenom Zakonu o Budžetu institucija BiH i međunarodnih obveza BiH za 2014. godinu, na pojedinim stavkama značajno od nižih od budžetskih zahtjeva korisnika i budžeta u 2013. godini, pogotovo na pozicijama: reprezentacija, telefoni, putni troškovi, te ostali materijalni troškovi. S tim u vezi, svi korisnici su dužni prilagoditi aktivnosti raspoloživim sredstvima usvojenim u Budžetu 2014. godine.

Takođe, se napominje da budžetski korisnici, koji nisu dostavili **interne procedure za stvaranje obaveza**, kao i budžetski korisnici kod kojih je izvršena izmjena internih procedura

i odgovornih lica za stvaranje obaveza, imaju obavezu iste dostaviti Ministarstvu finansija i trezora BiH.

Budžetski korisnici, kojima su odobrena sredstva za kapitalne izdatke na neposrednoj potrošnji i kapitalne izdatke za programe posebne namjene, obavezni su Ministarstvu finansija i trezora dostaviti **namjensku strukturu kapitalnih izdataka po svim osnovama i namjensku strukturu višegodišnjih kapitalnih projekata**. Ministarstvo finansija i trezora će usaglasiti dostavljene namjenske strukture kapitalnih izdataka u skladu sa principima Budžeta institucija BiH za 2014. godinu.

Takođe, se obaviještavaju korisnici da **za programe posebnih namjena finansirane iz namjenskih sredstva donacija, grantova, udruženih i drugih namjenskih sredstava za koja su ugovorom ili drugim aktom sa donatorima i/ili domaćim i međunarodnim institucijama definisana kapitalna ulaganja Ministarstvo finansija i trezora BiH neće davati saglasnost** na namjensku strukturu kapitalnih izdataka, već su korisnici obavezni isto usaglašavati sa ugovornom stranom.

Popunjene tabele operativnog plana potrebno je da dostavite i u elektronskoj formi.

S poštovanjem,

MINISTAR

dr. Nikola Špirić, s.r.

PRILOG:

- Instrukcije
- Budžet institucija BiH za 2014. godinu
- Tabela 1. operativnog plana na sintetičkim kategorijama
- Tabele za operativni plan (1-5)
- Namjenska struktura kapitalnih izdataka i višegodišnjih kapitalnih projekata